

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 1. Cvr Oremus pro Defunctis. Quaedam de Purgatorio. Quae peccata in
eo puniantur. Voces purgantium animarum.

urn:nbn:de:hbz:466:1-10805

mæse, ejus præconia quibus impar omnino sum tacitus præteribo, non audens præ confusione, & conscientia lordinum meorum os aperire. Nomen autem ejus sanctum & venerabile cum tremore invocabo, ut propitia mihi sit Mater misericordiae, & reficiat langentem animam meam. Audito hoc nomine ad spem peccator erigitur, reficitur mens justi; ridet terra, gaudet cœlum, lætantur Angeli, Dæmones contremiscunt. Sunt qui quotidie hoc nomen venerantur recitatis quinque psalmis quorum literæ initiales Mariæ nomen efficiunt, præmissa singulis Angelicâ salutatione. Psalmi sunt isti; *Magnificat*, *Ad Dominum cum tribularer*, *Retribue servo tuo*, *In convertendo*, *Ad te levavi oculos meos*. Insigne de hac re miraculum ex Beluacensi, & Cantipratano refert Spinellus in fine capituli quarti. Optime Franco Abbas h. Post singulare nomen Iesu Christi, quod est super omne nomen, nullum aliud nominatur, unde tantum gratiæ, tantum spei, tantum suavitatis, tantum consolationis piaæ mentes concipient. Quotiescumque enim dulcissimum nomen MARIA amatores illius audiunt, toties ex pio auditu, & suavitate auditu nominis nescio quid inenarrabilis jucunditas intus trahunt. Nomen namque Mariæ mirum quid suave, ac divinum in se continet, ut cum sonuerit amicis cordibus amicis suavitatis odorem spiret. Et mirum illud est de nomine Mariæ, & valde mirum, ut millies auditum semper audiatur quasi novum. Concludo hâc dulcissimâ Parænæ devotissimi Patis Bernardi; Totis medullis cordium, tois præcordiorum affectibus, & votis omnibus Mariam veneremur, quia sic est voluntas ejus, qui totum nos habere voluit per Mariam. Ad Patrem verebaris accedere, solo auditu territus ad folia fugiebas. Jefum dedit tibi mediostorem. Sed forsitan & in ipso majestatem vereare divinam, quod licet factus sit homo, manxit tamen Deus. Advocatum habere vis & ad ipsum! Ad Mariam recurre. Exaudiens utique matrem filius, & exaudiens filium Pater. Hæc peccatorum scala, hæc mea maxima fiducia est, hæc tota ratio spei meæ. Quid ad Mariam accedere trepidet humana fragilitas? Nihil austерum in ea, nihil terrible, tota suavis est, plena pietatis & gratiæ, plena mansuetudinis, & misericordiae. Ideoque modicum istud, quod offerre desideras, gratissimis illis, & omni acceptione dignissimis Mariæ manibus offerendum tradere h. *Franco in serm. 6. de gratia Dei. i Bernardo. serm. in Nativit. B. Maria. serm. super signum magnum. serm. 2. sup. Missus est. & serm. 4. de Assumpti.*

cura, si non vis sustinere repulsam. In periculis, in angustiis, in rebus dubiis Mariam cogita, Mariam invoca. Non recedat ab ore, non recedat à corde: & ut impetres ejus orationis suffragium, non deserfas conversationis exemplum. Ipsam sequens non devias, ipsam rogans non desperas, ipsam cogitans non erras. Ipsa tenente non corrui, ipsa protegente non metuis, ipsa duce non fatigaris. Sileat misericordiam tuam. Virgo beata, si quis est, qui te invocatam in necessitatibus suis sibi meminerit defuisse. Nos quidem servi tui cæteris in virtutibus congaudemus tibi, sed in hac potius nobis ipsis. Laudamus virginitatem, humiliatem miramur, sed misericordia miseri sapit dulcissimus, misericordiam amplectimur charius, recordamur saepius, cerebrius invocamus. Hæc est enim, quæ totius mundi reparationem obtinuit, salutem omnium impetravit. Ad hunc fontem sitibunda properat anima nostra. Ad hunc misericordia cumulum totâ sollicitudine miseria nostra recurrit. Sit pietatis tuae ipsam, quam apud Deum gratiam inventisti, notam facere mundo, reis veniam, periclitantibus adjutorium, & liberationem tuis sanctis precibus obtinendo. Plena es gratiarum, plena rore coelesti. Ciba hodie pauperes tuos, Domina, ipsi quoque catelli de micis edant, sed & camælis potum tribue de supereffluenti hydriæ tua, ut omnibus, qui dulcissimum nomen tuum cum laude invocant, per te, Regina clementiæ, gratiæ suæ munera Jesus Christus Filius tuus Dominus noster misericorditer largiatur.

CAPUT XIII.

De Officio Defunctorum.

§. I.

Cur oremus pro defunctis. Quædam de Purgatorio. Que peccata, in eo puniantur. Voces purgantium animarum.

1. **N**on sine causa mater Ecclesia spiritum habens sponsi, & Dei sui post solemnem officiæ Divini recitationem specialem pro defunctis cursum instituit. Omnes enim filios pari complectens amore postquam Dei Optimi Maximi erga viventes beneficia debitissimæ gratiarum actionibus diu, noctuque celebravit, misericordes oculos ad eos convertens, qui nos præcesserunt cum signo fidei, & dormiunt in somno pacis, eorum etiam spiritus aeterno

F f f f

æterno Regi, cui omnia vivunt, devota precum solemnitate commendat. Non omnes Ecclesiæ filii, quibus data potestas est heredes fieri vite æternæ, post ultimam vitæ hujus clausulam transire statim merentur ad patriam. Pauci omnino, quos Deus insigniter prædestinavit, in suavissimo ipsiusmet Dei oculo moriuntur, qui baptismalis innocentia candorem usque ad finem vita illibatum conservarunt. Cæteri salvi quidem erunt, sic tamen quasi per ignem. Hanc Catholicam veritatem apertissimo ædificii paradigmate illustrat Apostolus ^a Fundamentum aliud nemo potest ponere, præter id quod possumus, quod est Christus Iesus. Si quis autem super ædificat super fundementum hoc aurum, argentum, lapides pretiosos, ligna, fœnum, stipulam, uniuscuiusque opus manifestum erit: dies enim Domini declarabit, quia in igne revelabitur, & uniuscuiusque opus quale sit, ignis probabit. Si cuius opus manserit, quod super ædificavit, mercedem accipiet: si cuius opus arserit, detrimentum patietur, ipse autem salvis erit, si tamen quasi per ignem. Hanc metaphoram communis calculo approbatam de anima fideli, deque igne purgatorio explicant sancti Patres. Fundamentum Ecclesiæ, & cuiusque Ecclesiæ filii Christus est, fidesque viva per charitatem, super quam alii aurum, argentum, & lapides pretiosos, alii vero lignum, fœnum, & stipulam super ædificant. Aurum, ait D. Thomas ^b, charitas est, argentum sapientia, & contemplatio, lapides pretiosi sunt aliae virtutes: è contrario lignum, & fœnum, & stipula peccata levia, & venialia sunt, quibus per vanitatis fludum inficitur mens. Nec enim de mortalibus hic sermo est, qua ipsum destruunt vivæ fidei fundementum. Coacervant in anima sua res cremabiles, inquit Eckbertus ^c Schonauigæ Monachus, qui se non custodiunt à leviöribus culpis, velut est otiosus sermo, risus, & joci, ira, vana lariitia, excessus in cibo, & potu, & hujusmodi quotidiana peccata, qua capitalia non dicuntur. Higna, fœnum, stipulam aggreditur super fundementum suum, & hæc excoquenda sunt per ignem. Clarius Augustinus ^d ligna, fœnum, & stipula non absurdè accipi possunt rerum secularium, quamvis licet concessarum tales cupiditates, ut amitti sine animi dolore non possint. Cum autem iste dolor urit, si Christus in corde fundamenti locum habet, id est, ut ei nihil anteponatur, & malit homo, qui tali dolore

uritur, rebus quas ita diligit magis carere quam Christo; per ignem fit salvus. Si autem res hujusmodi temporales, ac sæculares tempore tentationis maluerit tenere quam Christum, eum in fundamento non habuit, quia hæc priori loco habuit, cum in ædificio prius non sit aliquid fundamento. Purgatorium igitur ex doctrina Ecclesiæ locus est, in quo animæ temporariâ poenâ plebuntur, quæ in obitu, nec ob mortalem culpam à Dei gratia, & amore sunt exclusæ, nec aded defæcata, ut confessum ad conspectum Domini possint admitti: Nihil enim coquinatum intrabit in regnum cœlorum ^e. Eleganter Origenes ^f: Non omnes purgantur eo igne, qui de altari assumitur. Aaron purgatur illo igne, & Isaïas, & qui sunt similes illis. Alii vero, qui non sunt tales, alio igne purgabuntur. Timeo ne illo, de quo scriptum est: Fluvius ignis currebat ante ipsum. Iste ignis non est de altari. Qui de altari est ignis, ignis est Domini, qui autem extra altare est, non est Domini, sed proprius est uniuscuiusque peccantium de quo scriptum est ^g, Ambulate in igne vestro, & in flamma, quam accendistis vobis. Ideo illum ignem sapientem vocat Paulinus Nolanus Episcopus ^h, quia id tantum comburet in nobis, quod combustionē dignum reperiet.

2. Vacantis operæ fuerit plures congerere rationes, proferre testes, coacervare Scripturas ad hanc veritatem astruendam. Ne tamen hac etiam in parte eruditæ lectoris curiositatæ deesse videar, sanctos Patres, & Doctores orthodoxos rem istam pertractantes in fine capituli indicabo. Sunt autem duo, quæ suppono, & Purgatorium esse, & vivorum suffragia defunctis ad expianda peccata in eo detentis prodesse. Quæ duo fidei documenta cum certissima sint, transcendunt nobis est per affectum miserationis ad eos, quibus juncti fuimus per humanitatem. Vadam, ait Bernardus ⁱ, in regionem istam, & videbo vilionem hanc grandem, quomodo pius pater glorificandos filios in manu tentatoris relinquit; non ad occisionem, sed ad purgationem; non ad iram, sed ad misericordiam; non ad destructionem, sed ad instructionem; ut jam non sint vaca iræ apta in interitum, sed vaca misericordie præparata ad regnum. Surgam ergo in adjutorium illis, interpellabo gemitibus, implorabo suspiriis, orationibus intercedam, fastis faciam sacrificio singulare, si forte videat Dominus,

^a Cor. 3:11. ^b D. Thomasib. ^c Eckbert. serm. 9. adv. Cutharos. ^d August. Ench. ad Laurent. c. 68.

^e Apoc. 21: 27. ^f Orig. hom. 9. in Levitic. g Psal. 50:11. ^h Paulin. epist. 9. ad Severum Sulpitium. i Bernard. serm. de quinque negotiationibus.

minus, & judicet, ut laborem convertat in re-
quiem, miseriam in gloriam, verbera in coronam.
His enim, & hujusmodi officiis potest eorum
poenitentia refecari, finiri labor, destrui pena.
Hactanti viri exhortatione animati percurramus
& nos regionem istam, videamus quid fiat in ea:
qualiter benignus pater filios examinat, sicut ex-
aminatur argentinum: ducit per ignem, & aquam,
ut educat in refrigerium.

METRUM XXVII.

Vos avernales lacus stygisque squalentes specus,
Tenari tristes hiatus, ac in aënum chaos,
Vos gementum dira regna, Ditis obscuræ domus.
Semper orbis, infames paludes tartari,
Ignis que fluctibus manus rotatis noxiōs:
Vos sorores dissolutis concitæ serpentibus,
Que cruentis fœda pœnis vindicatis crimina:
Vos furoris administri, quis severa Numinis
Conterit reos manus sœvisque castigat modis:
Si quid in sardo igne voces præalent viventium.
Huc adeste, & immixtis pandite citè portas stygiæ.
Pandite horrendos sinus, liceatque mortificæ obstitum
Nocte diem cernere: liceat lacunas sulphure,
Festidique pice plenat intueri: ubi vindex
Pœna justè noxiōrum sœvit in præcordiis.

3. Cruciantur nimurum animæ Deo dilectaæ k
ita exigente justitia, immanissimis tormentorum
generibus, donec culpas eluant, quæ tametis ve-
niales, culpas tamen sunt. Noctem illarum tene-
brosus turbo possidet, non computatur in die-
bus anni, nec numeratur in mensibus: obscurant
eam tenebræ, & umbra mortis, occupat eam cali-
go, & involvit amaritudine. Et quod omnium
malorum supremum est, projectæ sunt interim à
facie Dei, ab ejus felicissima visione ad tempus
exclusæ. In momento indignationis, dicit Dominus
per Iсаiam l, abscondi meam faciem parumper à te,
paupercula, tempestate convulsa, absque ulla confos-
tatione. Quale enim gaudium illis erit, qui lumen
cæli non vident, qui dulcissima increatae lucis
claritate non fruuntur? Obscro ut videam faciem
Regis, dicebat ille sanctissimi patris degener filius m. Ideò tot peccatis cruciatæ clamant ab imis
tormentorum sedibus, si forte sit aliquis cuius
vifcera acerbissimis fratribus querelis moveantur,
qui considerans contritionem filiæ populi sui au-
dit ploratum, & ululatum multum, atque infixis
in limo profundi manum porrigat adjutricem.

k Job. 3: 5, 6. l Iсаi. 54: 8. II. m 2 Reg. 14: 3.

Penetrabo igitur omnes inferiores partes terræ,
& inspiciam omnes dormientes, & illuminabo
omnes sperantes in Domino n. Descendam vi-
vens in infernum, & videbo utrum clamor, qui
venit ad me, verus sit, an non est ita, ut sciam.
Videbo, inquam, utrum cuncta prospera sint erga
fratres meos, ut possum enunciare quid agatur.
Bene est. Jam veni, & vidi. Mirum quantum
exclamare afflictæ animæ omnium pœnarum ge-
netibus lacerataæ. Miseremini mei, miseremini
mei, saltem vos amici mei, quia manus Domini
tetigit me. Grayavit me iniquitas mea, & ab
angustia mea volare non possum. Sagittæ Do-
mini intra me sunt, quarum indignatio ebbit spi-
ritum meum. In me transierunt iræ ejus, & ter-
rores ejus conturbaverunt me. Omnes sanctus
fusos induxit super me, afflictum, & humili-
ta nimis, quoniam comprehendenterunt me mala,
quorum non est numerus: comprehendenterunt me
iniquitates meæ, & non potui ut viderem. Da-
mones me calumniantur, & frendent adversum
me: nunc improverant sceleram, ad quæ falsis adu-
lationibus pertraxerunt. Omnes amici mei dere-
liquerunt me, & non est auxilium mihi in me,
nam & necessarii quoque mei recesserunt à me.
Veruhtamen non contradico sermonibus sancti,
sed hæc mihi consolatio, ut affligens me dolore
non pareat: nec enim inde exibo, donec solvam
universum debitum usque ad novissimum qua-
drantem. Iram Domini portabo, quoniam pec-
cavie, donec judicet causam meam, & faciat
judicium meum, educet me in lucem, videbo
justiciam ejus. Sed vos qui vivitis, qui superstites
estis, adjuvate infirmitatem nostram, onera no-
stra portate; non enim opus est sanis medico,
sed male habentibus. Non exurimur in ea flam-
ma, in qua dives cruciatur: ignis noster refri-
gerium admittit, & aquis veltris extingui potest.
Sic animæ in Purgatorio constitutæ & suam de-
plorant miseriam, & nostram implorant miseri-
cordiam, quatenus suffragijs nostris adjutæ ad pa-
triam supernæ beatitudinis quantocvys introdu-
cantur.

n Eccl. 24: 45.

§. I I.

Quot, & quibus operibus animabus defunctorum
suffragari possimus. Officium pro defun-
ctis quam antiqua sit institutio. Cur certi
quidam dies sacris pro mortuis offerendis
tribuantur.

F f f f f 2

1. Sunt